

**COMUN:** Al vëgn lascé alsavëi che les domandes do contribuc y aiüç economics por l'ativité ordinara tl ann 2025 a uniuns/assoziaziuns mëss gní dades jö te comun cina le lönesc, 31.03.2025. I modui por la domanda é da ciafé sot a news sön la plata internet dl Comun [www.comun.sanmartindetor.bz.it](http://www.comun.sanmartindetor.bz.it) o tl secretariat de comun. Domandes dades jö do chësc termo ne vëgn nia plü tutes en consideraziun.

### PLOANIES SAN MARTIN Y LUNGIARÜ

En mercui, ai 19 de forá, vëgnel dit dales 20.00 tl apartamënt y tla dlisia da La Val la corona perian do l'interzesciun de siur Heinrich Videsott.

En sabeda, ai 22 de forá, él a San Martin do la mëssa prefestia (dales 19.30) tl pice salf dl Istitut Ladin na incuntada cun pater Moses Otii (nasciü tl Uganda) che cunta (por todësch) de sües esperiënzes tla misciun tla republica de „Zentralafrika“; al vëgn ince presenté so liber dal titul „Unbändige Hoffnung“. Düt é dér bel inviá.

### SAN MARTIN

Invit ai Seniors y les Seniores da San Martin y Antermëia da gní a tó pert al iade por sanc dl pröm vëndres de merz a Spinges, en vëndres ai 07 de merz. I'sabinun dales 8.30 sön plaza dl païsc da San Martin, por jí ia deboriada cun i auti privac. Dales 10.00 sarál mëssa ia Spinges cun don Marco y dedô junse a marëna tl hotel Roger. Le cost é de 20 euro porom. Präibel prenotesse cina la domënia ai 02 de merz pro Leo 348 40 96 351. Gnite tröc!

### LUNGIARÜ

I Seniors y le Seniores da Lungiarü é dér bel inviá/des da gni en jöbia grassa ai 27 de forá dales 14.00 tl salf dla scora a na picia festa da carnescé cun musiga da bal, crafuns y val' da bëre.

-----  
Le Museum Ladin inviäia a n laboratore creatif, olach'i imparun da conësce le carlascé ladin. Pastelnun adöm mascheres en dedemesaledema, ai 19 de forá, dales 15.00 a les 16.30 tl MusLa Ciastel de Tor a San Martin y en vëndres, ai 21 de forá dales 16.00 a les 17.30 tl MusLa Ursus ladinicus a San Ciascian. Trami i laboratòrs é por mituns y mitans da 5 a 10 agn. Le cost por tó pert é de 5 euro. Alplü pól tó pert 15 mitans/uns por laboratore. I periun do na prenotaziun por mail [prenotaziuns@museumladin.it](mailto:prenotaziuns@museumladin.it) o telefonan 0474 524 020.



[unitepastorala.org](http://unitepastorala.org)

## Plata dles Ploanies San Martin y Lungiarü

ploan siur Klaus Sottas 344 15 54 055 - [clsottas@rolmail.net](mailto:clsottas@rolmail.net)  
redaziun: [anton.gasser@rolmail.net](mailto:anton.gasser@rolmail.net) - 348 27 44 517 / 0474 523194

**16.02. - 23.02.25 n. 12**

*termo por comunicaziuns: jöbia, dales 20.00*

### 6<sup>a</sup> Domënia ia por l'ann C

#### Vangele do san Lüca 17, 20-26

..... Gejù à ôt sü edli sön sü discepui y à dit: Beâc, os püri, deache ost é le rëgn de Dî. Beâc, os ch'i eis ségn fan, deach'i gnarëis pascentà. Beâc, os ch'i piteis ségn, deach'i riareis. Beâc, sce la jënt ves à le senn y ves stlüj fora de süa comunità, sce ara ves baia da orëi crou y ves descreditëia, por gauja dl Fi dl Om. Ralegrésse y cighede en chël dé; osc païamënt tl cil sarà gran. Deache avisa inscioi él stè sü peri che à fat cun i profeç. Mo guai a os, ch'i sëis rić; deach'i n'eis plü degöna consolaziun da s'aspètè. Guai a os, ch'i sëis ségn pasciüs; deach'i arëis fan. Guai a os, ch'i riéis ségn; deach'i baudiarëis y pitarëis. Guai a os, sce döta la jënt ves lalda; deache avisa inscioi él stè sü peri che à fat cun i profeç falc.



*Sciöche bele i profec tl Testamënt Vedl  
tlarësc Gejù da Nazaret te chësc vangele  
da ci pert che Chël Bel Dî stá y cara che é süa orienté.  
Di püri é le rëgn de Dî. Chi che vëgn desprijá dala jënt é bëgnodus da d'ël.  
Tla presenza de Idî Creatur,  
che á senté ite tl cör dla jënt le comandamënt dl amur  
y che l'à animada cun la forza de so Spirit Sant,  
ne rovunse a degon'atra conescenza:  
al n'é degun ater tru da podëi vire na vita implida  
ater co sc'ljun por le tru dl amur dl proscim  
y s'un desdijun dla prepotenza.*

T.D.

EDEMA - C	SAN MARTIN	LUNGIARÜ	
16.02.25 6 <sup>a</sup> Domënia ia por l'an C	<b>9.30 Corona</b> <b>10.00 Gran Mëssa por la communauté</b> + siur Angel Morlang, dl ann + Egon Valentin, dl ann + Giovanni Flöss, dl ann	<b>7.50 Corona</b> <b>8.15 Gran Mëssa por la comunità</b> aniv. + Giovanni Clara, Tondisl aniv. ++ Monica Mischi y Pire Daporta + Albino Daporta vis y def. fam. Benedikt y Franziska Clara <b>14.00 Bato de Max Clara</b> <b>de Mathias y Marina Dapoz</b> <b>Bato de Julian Rives</b> <b>de Roberto y Federica Clara</b>	<p>Sc'i aldiun le vangele,            savunse ch'al ne vëgn nia baié            de jënt foresta mo de nos.</p> <p>Nos sun i püri, i arfamá, chi che pita            - o i ric y pasciüs, chi che s'la god.            Demorvëia,            ch'i messun se lascé dí chësc            sciöch'i ne l'essun mai aldi. (M.B.)</p>
17.02.25 <i>Fondadus di Servic Lönesc</i>			
18.02.25 <b>Dedolönesc</b> <i>Scimun, Costanza</i>	<b>8.00 Mëssa</b> + Carlo Dejaco + Mariangel Tavella ++ pater Markus Ferdigg y suor Johanna Ferdigg		
19.02.25 <i>Irmgard, Bonifaz Dedemesaledema</i>		<b>7.30 Mëssa</b> + Monica Moling y fam. Sigfrid Moling ++ Lidia y Maria Clara	
20.02.25 <i>Amata, Iordan Jöbia</i>	<b>8.00 Mëssa di scolars</b> + Sept Flöss, d'Arzo <b>19.30 Sentada dl Consëi de cöra</b>		
21.02.25 <i>Pire Damiani, German Vëndres</i>	<b>18.30 Adoraziun chîta</b> <b>19.00 Adoraziun deboriada</b>		
22.02.25 <b>Sabeda</b> <i>festa dla Catedra de San Pire, Margareta da Cortona</i>	<b>18.30 Mëssa prefestia</b> <i>(siur Klaus y pater Moses Ötii)</i> ++ frater Felix y frater Martin Ploner families Tavella, Pinis <b>dedô Incuntada cun pater Moses Ötii</b> tl pice salf dl Istitut Ladin		
23.02.25 7 <sup>a</sup> Domënia ia por l'an C	<b>9.30 Corona (don Marco)</b> <b>10.00 Gran Mëssa por la communauté</b> ++ Angelina y Pio Baldissera, dl ann ++ Fonjo y Dolfo Unterweger, dl ann + Hannele Pedevilla Trebo, dl ann <b>14.00 Bato de Jan Clara</b> <b>de Ivo y Valentina Barbolini</b>	<b>7.50 Corona (don Marco)</b> <b>8.15 Gran Mëssa por la comunità</b> + Paul Pezzei ++ Loise y Iarone Frenademez por les püres Animes + Paolo Dapoz	<p>Gejú ti impormët la salvëza ai püri,            a chi che á fan y pita            y vëgn porsegħitá por la fede,            a chi che sá ch'ai n'a nia            y che n'é nia bugn da s'la fá avarëi,            a chi zënza segurtés            che é insciö bugn</p> <p>da se surandé a Chël Bel Dî            y da se lascé surascinché da d'el.</p>

